

TENDAA NENSAABA ZAA YELESOOBO SOBIE MOOLOO

A YELE YUOBO

A yeli nang bebe la, ka nee zaa bang ka nengsaala emmo ane o yelsoore seng la taa a nengsaala booro poo; a nengsaala mengesoobo ane o yelmenge noba zie la binne eng-maarong ane yelmenne noba zie a tengazu.

Ka nengsaala kaa-ba-nye e ka tongfaare tong ka noba banang nang taa teerong veele nye posaaana. A yele ama ee la ka nengsaala zaa nang booro bone ne ka ka bie tenga benee nengsaaba zaa nang so ba menne a yele yele zaa ba nang booro, a puoro puoru zaa ba nang booro, a ta zoro bebiri kang nang.

Ka a da sengee la ka anang ba fere nee kao e yeli nang fere o, a kuü ne o baao poo ka o faa o menge dogrong poo, ka ka a yelmenne toretero la guuro a tendaa zaa noba yelesoobo sobie.

Ka a da sengee la ka to-ne-to nommo yele a tendaa za.

Ka a noba nang be a Tendaa Langne poo lee maaleng nyogee ba yeldeebo a a yelmanne binne nga nang guuro a tendaa zaa yelesoobo sobie poo, ka doo ane poge nang ba gang taa song ka nengsaala maaloo ane o mengesoobo yele gere ninge a tenga zu.

A tenne na zaa nang be a Tendaa Langne nga poo eng la noore ka bana ane a Tendaa Langne na nye a tendaa zaa nongtaa, a engne a Tendaa zaa yelesoobo ane mengesoobo sobie.

Ka ka nee zaa bang ka a yelesoobo sobie ama ane a nensaala menge soobo la yelkpong nang be a noore nga emmo poo.

Pampanga a Le Zueng,

A TENDAA LANGNE NOBA LANG TAA

moolo la:

ka a TENDAA ZA YELESOOBO SOBIE waa la bone noba zaa ane tenne zaa nang na moõ nimiri k'a nye eebo. A lezueng nee zaa, bee nengsaaba langne zaa na taa la a yele ama teerong tegtegle a ere anee ba wuluu poo ane ba zanno poo a e k'a yelesoobo sobie ane a noba mennesoobo yele duoro saa kye ere beele beele tenga zaa poo a na e k'a tendaa zaa bang kye tuuro a yele ama. Tenne na zaa nang be a lammo nga ane noba na zaa nang kpeere a tenne na poo, a lang ne a noba banang zaa nang be tenne na zaa ba nang di naalong a zu.

Dore 1

Nengsaala zaa ba nang doge so la o menga, ka o ne o taaba zaa sengtaa noba emmo ane yelesoobo sobic poo. Ba dogee ba zaa ne yeng ane yele-iruu k'a da seng ka ba ere yele koro taa a nga yoomine.

Dore 2

Neezaa soobo la a Tendaa zaa yelesoobo sobie ama nang be a gane poo; a ba wullo ka nee nga waa ngaa ne ngaa; a nga balong, bee o enge waalong, k'o waa la poge bee doo, o kokoyelaa, puoru na o nang puoro, o teerong nang are le a tenga maalo yele poo, o tengyiraa ane o aroozie a tenga poo, boma o nang taa, o dogebo zie bee o arezie.

A la waana le puoreng, gyegru kyebe ane nee teerong nang wuli o ka o tuuro a tenga maalo yele le, bee bone na naalong ba nang dire a tenga na poo a nee na nang yi, ka a tenga na so la o menge bee ka o be la tenga kang nuureng, bee ka o nang ba so o menge, be ka yele mine bebe la a pogro o mengesoobo sobiri.

Dore 3

Neezaa taa la sori ka o taa nyovore, ka bone zaa ta ngmaara o sobiri o yellerre poo, ka tuo ta be o zie.

Dore 4

Neezaa ba taa sori a taa o tosoaba ka o waa o gbangbaa bee ka o tono gbangba-toma. A feree la kaa gbangbaalong ane nengsaaba koro ta bebe togtog yelizaa poo.

Dore 5

Neezaa ba seng ne enge dogrong nang gang, bee potuyele, bee dogrong zaa nang ba seng ne nengsaala.

Dore 6

Ka neeng be zie zaa a feree la ka a tenga na deme de o k'o waa nengsaala a loo poo.

Dore 7

Loo ninge poo noba zaang sengtaa k'a fere ka a loo kaara ba zaa zu ka gyegru kyebe. A yele ama moooloo poo kyiiirung la ka gyegru bebe nee zaa zie, bee ka nee dore ka ba gyegri nee.

Dore 8

Ka nee zaang taa yeli a gaane a seree diibo zie, a feree la ka a tenga na seredirebe a di a seree velaa ka a yelmenge gaa a nee na deme nang kpe zie a seng le a tenga loo nang manne bing.

Dore 9

Neezaa ba seng ne ka ba dee bone nyogoo gaa te page kye ba di a seree, bee ka ba diguu bare ka o yi gaa teng-yuo a te kpeere.

Dore 10

Neezaa nang saa yeli, a feree la ka a tenga na seredirebe di o seree neng-yaga poo ka nonne boore kyebe a seree nga ba nang dire a na nye bone na yeli o nang saa poo.

Dore 11

Neezaa ba nang nyoge yeli kang poo a na di o seree ko na poge nye dogrong a poo, a feree la ka a seredirebe de ka o ba saa yeli, a ta le sang ba nang di o seree yeng poo a te nye bang ka o saa la yeli. A o seree diibo na meng poo a feree la ka ba k'o sori ka o bo bone na zaa nang na toõ song o ka o yeli faa o menge.

Ba kong toõ nyoge nee zaa nang saa yeli nang taa dogrong; yeli o nang e, bee o nang nage o vuo na poo, a yeli na o nang e, bee o nang nage nang da ba waa yelsaana nang booro dogrong a le sang onang da e a yeli bale, bee ka ba ko o dogrong nang waa tuo gang a dogrong na nang da bebe ka ba da ko o a le sang o nang saa a yeli bala.

Dore 12

Neezaa ba taa sori a bonno kpeere o to yele poo, bee o die yele poo, bee o yiri yele, bee o gama yele, bee ka o saa o to yosong ane o eveele. A feree la ka a loo guuro nee zaa a dõõne ama taaba poo.

Dore 13

Neezaa taa sori ka o yoro gere benee zaa o nang booro, bee ka o kpeere benee zaa o nang booro a tenga toribogri poo.

Neezaa taa sori ka o yi tenga kang zaa poo, bee o menge tenga poo a kye lee wa a o tenga poo.

Dore 14

Neezaa taa sori ka o yi tenga na poo ba nang booro o dogroo, bee o koobo a gaa tenne mine a na te nye popeelong.

A sobiri nga kyebe nee nang sãã yeli yelmenge ka ba boorɔ o ka ba di o sereɛ ka a yeɛ na o nang sãã ba e votu yeɛ bee yeɛ nang ba tu a Tendaa Langkpong yeɛ sobie ba nang manne bing le.

Dore 15

Neezaa taa sori a na waa enga kang paalong nee.

Neezaa ba taa sori a na yeli ka neekang ta be o tenga poɔ, bee ka o ta yi o tenga a gaa te kpeere teng-yuo.

Dore 16

Neezaa nang ta doɔ, bee poge, bale zaa poɔ, tenga zaa poɔ, puoru zaa poɔ, taa sori a na de poge, bee kuli sere a dogro bibiiri. Ba zaang na sengtaa a ba kultaa yeɛ poɔ a ta le sang ba kultaa nang baare.

Neezaa ba taa sori a fere noba ka ba kultaa; banang nang kulo taa yong na peɛ poore a sage ka ba kultaa.

Doɔ ane o poge ane o bibiiri waa seng bombiri a tenga noba zie ka a fere ka a tenga noba ane a tenga nembere kaara ba zu.

Dore 17

Neezaa taa sori a na so boma o yong, bee ka o ne noba mine lang so boma.

Neezaa taa sori faa nee boma o nang so.

Dore 18

Neezaa taa a sori na teere yeɛ a seng o nang boorɔ le, a tuuro o yeng wuluu, a puoro puoru na zaa o nang boorɔ; o la taa la a sori meng a na leere o puoru ane o teerong; o na toɔ e la le o yong, bee a lang ne noba yeng poɔ, bee o yong zie. O la taa sori meng a na e ka o puoru yeɛ sãã noba zie. O taa sori na wullo noba a o puoru yeɛ. O taa sori tuuro a o puoru nga sobie zaa a seng le o nang boorɔ.

Dore 19

Neezaa taa sori ka o teere ka yeli kang waa ngaa bee o ba waa. O taa sori meng na yeli a yeli na yeɛ. O la taa la a sori meng ka o teere ka yeɛ mine waa ngaa, kye ka nee zaa ta fere o a o teerong na poɔ. O taa sori meng ka o bo a kye nye yelpaaba nang yire zie zaa waana, ka a gangnee toribogri bee ka a ba gangna o taa la a sori.

Dore 20

Neezaa taa la a sori ka o poɔ noba nang langtaa ane teerong velaa. O la taa la sori ka o kpe langne zaa.

Nee kontoɔ fere neezaa ka o kpe langne kang poɔ.

Dore 21

Neezaa taa sori k'o poɔ a tenga gobenente yeɛ poɔ o menge bee ka o poɔ iri noba ka ba lee o zu.

Neezaa taa sori ka a tenga poɔ bone na zaa nang bebe ka ba de sonno ne a noba ba yeli zaa poɔ k'a tara o meng.

A gobenente fang a tenga poɔ na yi la tenga noba boorɔ zie. A sobiri na a noba nang na mang tu ka ama nye eebo la ka ba manne bing ka ka vuo kang poɔ k'a noba mang taa neng-iri ka finnuu kyebe a neng-iri nga poɔ; k'a banang zaa nang ta noba a taa sori na iri a noba nang na lee ba zu a tenga gobenente poɔ. A neng-iri sang nee zaa ba taa sori na nye o tosobaa nang boorɔ k'o iri nee na.

Dore 22

Neezaa waa la a tenga zu noba nee. A fereɛ la ka o tenga kaara o zu; o la taa la sori meng ka o nyere a o tenga tono ka a song o ka o nyere emmo a seng nengsaala; ka o enge ane o yeng yeɛ meng kyene velaa.

Dore 23

Neezaa ta sori ka o taa toma tono. O taa sori meng ka o iri toma na o dang boorɔ. Sori bebe meng la, ka ka o toma zie ane o toma zie yeɛ veɛɛ. Sori bebe meng la ka o taa toma tono a ta yoorɔ weɛ le.

Neezaa, ka gyegru kyebe taa sori ka o nyere san-yoo a seng banang zaa meng nang tono a tong-bale.

Neezaa nang tono toma taa sori a naa nyere a yore ka a seng o ne o poge ane o bibiiri; ka a seng ba ka ba na toɔ nye bone na zaa a nang fere nengsaala ka o taa waa nengsaala.

Neezaa taa sori ka o piili tontonema langne. O la taa l'a sori ka o kpe tontonema langne nang na song ka o guuro o toma.

Dore 24

Neezaa taa sori ka o nye penno kye ka o pennoo sang ka o taa sori a ere le o poɔ nang pelle. O la taa sori ka ka o ta tong toma a te gang gammo kang. O taa sori meng na nyere pennoo bebie a o toma zie kye nang nyere san-yoo a pennoo bebie na poɔ.

Dore 25

A fereɛ la k'a tenga nye ka benee doɔ ane o poge ane o bibiiri nang kpeere seng ne ba eng-maarong nang boorɔ le, ka ba nyere bondiri ane bonsuuri, ka ba kpeebo zie ane ba laafeɛ yeɛ veɛɛ. Ba taa l'a sori meng ka sang kang wa ta ka ba ba la taa san-yoo toma, bee ka ba beere, bee ka yeli kang e ka o kong la toɔ tong toma bee ka o sere, bee ka poge kpi kye kyere o yong, bee ka o kore zuo a kong la toɔ tong toma, bee ka yeli kang e ka o dee kong la toɔ bo bondiraa o menge, a fereɛ la ka a tenga na o nang be kaara o zu.

Bimamine ane bibiiri nang nang baara, a sengeɛ la ka ba kaara ba zu kye sonno ba. Bibiiri zaa, ka ba ma ne ba saa de la taa kye doge ba bee ka baba de taa kye doge ba meng na nyere la a sommo nga bale.

Dore 26

Neeza taa sori ka o bang gane. A gane zanno piilu sang a da seng ka yore kyebe. A fereɛ la ka neezaa zanne gane belaa a ta taabo kang. A da ba seng ka neezaa wong tuo kye nye nuuri-toma zanno, bee gama-toma zanno. A da sengeɛ la ka banang nang na toɔ meng ta wong tuo kye nye zanno nang do yaga.

A da sengeɛ la ka gane zanno kyaara nensaala mengemaalo yeɛ a kye sonno nensaala mengesoobo sobie yeɛ a kye sonno yelwongtaa ane kanyiri di-ko-taa, a e ka tenne ane bale la bale zaa ane puoru deme zaa nyoge taa baalong a kye e ka a Tendaa Langkpong yeɛ kyene ka maarong be a tenga zu.

Saamine ane mamine taa a sori a na de weɛ dang iri benee ba nang boorɔ ka ba bibiiri gaa zanne gane.

Dore 27

Neezaa taa sori ka o poɔ a tenga tengkoɔ yeɛ poɔ a meng wong a noba nuuri-toma noɔ, kye nyere tono nensaala yeng nang song o ka o maale, bee ka o e ka bone na zaa waana ne noɔ bee tono.

Neezaa nang de o nuuri, bee o zu a tong ne toma ka a yire tono mine, a fereɛ la ka a tenga ta veng ka neezaa finne o a toma na poɔ.

Dore 28

A da sengeɛ la ka a yeɛ ama ba nang manne bing a kye a nye eebo, ka benee zaa tenga zu kye nee nang kpeere na toɔ so o menge kye kpeere ne popeelong.

Dore 29

Neezaa taa la fero toma o taaba zie benee o nang kpeere. A leng na song ka o mence nye maalo.

Neezaa nang so o mence, a wonno o mengesoobo noɔ, yeli zaa ba kyebe a na pigi a o mengesoobo nga sori see ka tenga nang manne bing le naane, a loo na meng na waa la loo nang na veng ka nensaala nye emmo kye so o mence, a sonno ka nensaaba ere eveele, a e ka marong be noba nang lang kpeere zie kye ere ka noba zaa kpeere velaa ba tenga poo, ka ba meng taa noore a ba tenga maalo yele poo.

Neezaa ba taa sori a e yeli nang ba toro a Tendaa zaa Lammo nang manne a nengsaaba meneesoobo sobie bing le.

Dore 30

Tenga zaa bee langne zaa bee neng-yeni zaa ba taa sori a willi a yele ama ba nang manne bing a kye; ka a waa seng nga a yele nga ko ba la sobiri ka ba tong tone zaa bee yeli zaa nang waana ne nensaala mengasoobo ane o yelisoore noɔ wommo ba nang manne bing a kye saãbaro.